

白沙坳李氏祠堂记

百狐之腋集而成裘一材之良支难为厦矧必挾豪自任倾其囊以異之纵可为亦不必为尽求诸敬宗收族之义两无得矣吾族自宋伯顺公由陕长安徙江右南昌之丰城湖茫其故址也厯我祖元選公已十七派矣后選公迄老卸粤东保昌今事由湖茫徙楚浏邑东乡远祖閼閼源流笔难罄溯近即迁楚者为始選公生子四曰小一郎堂我皆郎公子孙郎公徙柴篙嘴至祖时贵公顺治三年又徙湘阴十二都白沙坳公暨祖妣何现葬白沙坳韩家屋场此再迁湘之始也时贵公越三世而始至我高

祖必先公 必先公所出男女不下四百丁生斯长斯聚族於斯而其
中之存亡又半之士农工商不一其途知愚贤否各安其分特丰嗇
不齐顺逆異境安尽康厥居而无烦自力於衣食如此而欲合建宗
祠效会於堂廡之下丞为敬宗收族之谋几不至挾山而超海哉爰
嘉庆二十二年秋首事新学新相景福藉我 必先公韩家屋场所由
柴赉穀公叔子母绵绵延延时其出纳越道光四年秋鳩捐丁费若
干合前所積益以后添岁卒按程而主其计至道光十年夏杪加举
首事新民新华景常以穀易钱得值若干旋以钱之子母日操奇贏
迄十一年冬始置寺坡方姓田畝给值三百餘金下尚餘钱若干再
添首事景隆景福景万分任以玉其成此皆公生公放准田山屋宇
以及现存餘羨贫富一轍无轩轻也至道光丙申秋景柏景楠见公
稍留餘外之称貸者半疲归歟恒虞主计者难商余建祠余曰建祠
動计千金僅此微赉不诚挾山超海哉柏輩对曰前见翁塾中座铭

郎公房支谱旧序

联云学惟有益閒中得事所难能强半成读书然建祠何必不然族中其有力难胜任者一可敌数之百其有力可佟为者百仅算数之一截长补短餘益不足统有无而皆我 必先公之裔也过泥其奚以及余曰诚如是尔辈速为之可后丙申牕底祠成握算下虧数百金族之贤而明者又合丰啬顺逆而彙齐丁费若干助襄祠事再不足则有力者任之庶宗可敬族可收矣但规模粗就如此后至人丁日盛積贮愈多其有捐田捐钱不忘孝孙之庆者悉刊碑后令嗣继起安知其不恢宏式廓殿宇门庑黝垺丹漆驾前人而详慎焉惜吾辈之不获及见焉尔援笔乃乐为之记

时

清道光十八年岁次戊戌孟春月吉日

公举嗣孙新溥须山氏敬撰
嗣孙景梧葱枝氏盥手敬书